

इवनिंग डोगरी न्यूज़ बुलेटिन

समे .18:15 Hrs

Headlines

- प्रधानमंत्री नरेंद्र मोदी होरें अज्ज 15में रोजगार मेले दौरान बक्ख-बक्ख सरकारी मैहकमें च नमें भर्थी नौजवानें गी 51 ज्हार कोला मते नियुक्ति पत्र बंडे।
- लेफ्टिनेंट गवर्नर मनोज सिन्हा होरें औंदी 28 अप्रैल गी जम्मू-कश्मीर विधानसभा दा विशेष सत्र सद्देआ ऐ।
- मुखमंत्री उमर अब्दुल्ला होरें रामबन दा दौरा लाइयै शिड़कें गी खोलने, मलबा हटाने ते बिजली ते पानी दी सप्लाई सने होरनें सेवाएं गी बहाल करने दे कम्मै दा जायजा लैता।
- मुखमंत्री हुंदे निर्देशें मूजब जम्मू-कश्मीर सरकार दे मंत्री बक्ख-बक्ख राज्यें दे दौरे लाइयै जम्मू-कश्मीर दे बसनीकें दी सुरक्षा ते कल्याण यकीनी बना करदे न।
- श्री माता वैष्णो देवी जी दी जातरा लेई संगठित कमान ते नियंत्रण केंद्र मई म्हीने दे पहले हफ्ते चालू करी दिता जाग।

<><><><><><>

PM-Rozgar Mela

प्रधानमंत्री नरेन्द्र मोदी होरें अज्ज वीडियो कांफ्रेंसिंग राएं बक्ख-बक्ख सरकारी मैहकमे ते संगठनें च नमें भर्थी होए दे युवाएं गी 51 ज्हार शा मते नियुक्त पत्र बंडे। 15मां रोजगार मेला जम्मू कश्मीर सनें देसै दे 47एं थाहरें च आयोजित कीता हा। जम्मू च इस रोजगार मेले दा आयोजन

कनवेंशन सेंटर च कीता गेदा हा। केन्द्री मंत्री डॉ. जितेन्द्र सिंह होरें इस वर्चुअल कार्यक्रम दी शुरूआत करदे होई आखेआ जे नमें नियुक्त कीते गेदे युवाएं च 28 फीसदी महिलां न। सभा गी संबोधत करदे होई प्रधानमंत्री होरें आखेआ जे विकसित भारत दी यात्रा च भारत दे युवाएं दी भूमका अहम होग ते भारत दी अखंडता, सुरक्षा ते विकास दी रक्षा करना उंदा मुख कर्तव्य ऐ। इस मौके पर बोलदे होई प्रधानमंत्री होरें आखेआ।

<><><><><><>

LG-Summons

उपराज्यपाल मनोज सिन्हा होरें जम्मू-कश्मीर विधानसभा दा 28 अप्रैल 2025 गी बड्डलै साड्डे 10 बजे विशेष सत्र बलाया ऐ। जम्मू-कश्मीर पुर्णगठन कनून 2019 दी दफा 18(1) तैहत इस सत्र गी बलाया गेआ ऐ। एहदे तैहत जम्मू-कश्मीर विधानसभा दे सचिव आसेआ जारी आर्डर मूजब सारे मिम्बरें गी सत्र च शामिल होने दा आग्रह कीता गेआ ऐ।

<><><><><><>

CM-Ramban Visit

मुख्यमंत्री उमर अब्दुल्ला होरें अज्ज रामबन जिले दा दौरा लाया जित्थे पिच्छले दिनें बदल फट्अने करी ते पस्सियां-कुप्पड़ पौने करी बड़ा मता नुकसान पुज्जा हा ते उत्थे जारी राहत ते पुर्नबहाली आहले कम्में दा जायजा लैता। मुख्यमंत्री होरें श्रीनगर थमां रामबन जाइयै उत्थे राश्ट्री जरनैली शिड़कै पर गड्डियें दी आओजाई दी बहाली बारे आपूं जानकारी हासल कीती। एहदे अलावा उनें पानी ते बिजली दी पुर्नबहाली बारे बी जायजा लैता। अपने दौरे दरान मीडिया आसेआ पाकिस्तान दे प्रधानमंत्री शाहबाज शरीफ हुंदे उस बयान जेदे च उनें आखेआ ऐ जे ओह पहलगाम आतंकी हमले दी निरपक्ख जांय करोआने लेई सहयोग देने लेई तैयार न, बारे पुच्छे गेदे इक सोआलै दा परता दिंदे होई मुख्यमंत्री उमर अब्दुल्ला होरें आखेआ।

<><><><><><>

PM-MKB

प्रधानमंत्री नरेन्द्र मोदी होर कल बडलै 11 बजे आकाशवाणी उप्पर मन की बात कार्यक्रम च अपने बचार सांझा करगंन। एह इस मासिक रेडियो कार्यक्रम दी 121मीं किशत होग। आकाशवाणी ते दूरदर्शन दे समूलचे नेटवर्क, आकाशवाणी समाचार दी वैबसाइट ते न्यूज़ ऑन मोबाइल ऐप उप्पर कार्यक्रम दा सीधा प्रसारण होग। आकाशवाणी समाचार, दूरदर्शन समाचार, प्रधानमंत्री कार्यालय ते सूचना ते प्रसारण मंत्रालय दे यूट्यूब चैनलें उप्पर बी एहदा सीधा प्रसारण होग। आकाशवाणी थमां हिंदी प्रसारण दे तुरत मगरा मन की बात कार्यक्रम दी क्षेत्रीय भाशाएं च प्रसारण होग।

<><><><><><>

World-Veterinary Day

अज्ज दुनिया भरै च विश्व पशु चिकित्सा दिवस मनाया जा'रदा ऐ। जम्मू च बी इस ध्याड़े दे मौके पर जम्मू नगर निगम च पशुएं दी दिक्खभाल सरबन्धी अधिकारी डॉ. दिव्या शर्मा होरें डंगरें ते माल बच्छे दी दिक्खभाल ते भलाई-बेहतरी लेई लोकें दी भागीदारी दे महत्व गी उजागर कीता। उनें जनौरें गी अल्काह थमं बचा लेई टीकाकरण अभियानें दी लोड़ पर बी जोर भरेआ ते लोकें गी आग्रह कीता जे ओह एहदे लेई ऑनलाइन पंजीकरण दी नमीं सेवाएं दा इस्तेमाल करन। डॉ. शर्मा होरें लोकें अगगे अपील कीती जे ओह अगगे आइयै ते किट्ठै रलियै पशुएं दी भलाई-बेहतरी लेई कम्म करन कीजे पशुएं दा सेहतमंद होना माहनुएं दी सेहत कन्नै बी जुड़े दा ऐ। इस मौके पर आकाशवाणी समाचार कन्नै गल्ल करदे होई जेएमसी दियां वैटनरी अधिकारी डॉ. दिव्या शर्मा होरें आखेआ।

<><><><><><>

जम्मू कश्मीर दे बसनीकें दी सुरक्षा ते भलाई बेहतरी गी जकीनी बनाने लेई मुखमंत्री उमर अब्दुल्ला हुंदे निर्देशें मूजब कैबिनेट मंत्री जावेद अहमद राणा होरें जम्मू कश्मीर दे विद्यार्थिं, कारोबारिं ते उत्तर प्रदेश दे अधिकारिं कन्नै लखनऊ च मलाटी कीती। उंदे इस दौरें दा मकसद पहलगाम आतंकी हमले कन्नै उत्तर प्रदेश च रवा रदे जम्मू कश्मीर दे बसनीकें च सुरक्षा दी भावना पैदा करना ऐ। इच्छुक व्यक्ति मंत्री हुंदे कन्नै मिलने लेई मोहम्मद लतीफ तासिर, ओएसडी नंबर 9419168208 ते 9103792688 उप्पर संवर्क करी सकदे न। इससै चाल्ली कैबिनेट मंत्री सकीना इतू होरें चंडीगढ़ ते पंजाब च जम्मू कश्मीर दे विद्यार्थिं, कारोबारिं कन्नै मिलने ते उंदी सुरक्षा गी जकीनी बनाने लेई उत्थें न। कुसै बी चाल्लीदी मदद लेई नंबर 9419004823 ते 7006065102 उप्पर संपर्क करी सकदे ओ। मंत्री सतीश शर्मा होर देहरादून च न। जेकर कुसै बसनीक गी सुरक्षा सरबन्धी कुसै मुद्दे दा सामना करना पवा'रदा ऐ ते ओह 9419180515 ते 9906204222 उप्पर संपर्क करी सकदा ऐ। उपमुखमंत्री सुरिन्दर चौधरी होर मुंबई च न ते उंदे कन्नै संपर्क लेई 7780926079 ते 9622491579 उप्पर संपर्क कीता जाई सकदा ऐ।

<><><><><><>

ICCC

श्री माता वैष्णो देवी जी दे श्रद्धालुं दी सुरक्षा यकीनी बनाने लेई रियासी जिले दे कटड़ा कस्बे च मई महीने दे पैहले हफ्ते इक्क संगठित कमान ते नियंत्रण केंद्र शुरू कीता जाग। आकाशवाणी दे जम्मू संवाददाता दी रिपोर्ट मूजब श्री माता वैष्णो देवी श्राइन बोर्ड आसेआ जंदे रोज कटड़ा च इक्क सांझी सुरक्षा जायजा बैठक लाई गई जेदा मकसद जातरा गी सुरक्षित ते बवस्थित बनाने लेई तैयारिं ते सुरक्षा सबरन्धी हीलें दा आंकलन करना हा। सुरक्षा एजेंसिं, फौज, खुफिया एजेंसिं ते सिविल प्रशासन थमां सीनियर एहलकारें इस बैठका च हिस्सा लैता। श्राइन बोर्ड दे मुख

कार्जकारी अधिकारी अंशुल गर्ग होरें कटड़ा च संगठित कमान ते नियंत्रित केंद्र गी बेल्लै सिर शुरू कीते जाने दी जरूरता पर जोर पाया ते इस प्रणाली गी मई म्हीने दे पैहले हफ्ते चालू करने दा हुक्म रसाल कीता। आर्टिफिशल इंटेलीजेंस कन्नै लैस एह केंद्र 700 सी.सी.टी.वी कैमरें दे नेटवर्क राहें लगातार ते बेल्लै सिर निगरानी यकीनी बनाग ते इस प्रणाली च चेहरें दी पंछान आहली बवस्था बी शामिल होग।

<><><><><><>

Samba-Basantar

साम्बा दे डिप्टी कमिशनर राजेश शर्मा हुंदी अगुवाई च जिला प्रशासन नै अज्ज साम्बा च चीची माता मंदरै दे सामनै बसंतर दरेआ दे कंडे इक स्वच्छता मुहिम चलाई। इस मुहिम च साम्बा दे अतिरिक्त जिला कमिशनर, राजस्व विभाग दे सहायक कमिशनर, सब्बै जिला अधिकारी, सिविल सोसायटी दे मिम्बरें ते मकामी लोकें दी शमूलियत बड़ी बद्द गिनतरी च दिक्खी गई। इस दौरान दरेआ दे कंडे इक व्यापक सफाई मुहिम चलाई गई जेदे च कूड़ा कचरा, गार, गंदगी ते मलबे गी कड़डेआ गेआ। इस मौके पर आकाशवाणी समाचार कन्नै गल्ल करदे होई डी.सी साम्बा राजेश शर्मा होरें गलाया।

<><><><><><>

Ex-Serviceman Association

साबका फौजिएं दे कल्याण सरबंधी एक्स सर्विसमैन वेलफेयर एसोसिएशन कठुआ नै पहलगाम च 26 बेदौसे लोकें दी हत्या दे कसूरवार पाकिस्तान दे खलाफ सख्त कार्रवाई च भारत सरकार गी अपना पूरा समर्थन देने दा धैय्या पक्का कीता ऐ। एसोसिएशन दे सदस्ये अपने चेयरमैन ज्ञान सिंह पठानिया ते प्रधान कैप्टन मनोहर सिंह हुंदी अगुवाही च कठुआ दे डिप्टी कमिशनर होरेंगी

अपने समर्थन आहला इक्क ज़ापन सौंपेआ। इस मौके मीडिया कर्मिये कन्नै गल्लबात करदे होई
एसोसिएशन दे प्रधान कैप्टन मनोहर सिंह होरें आखेआ।

<><><><><><>